

佛說給孤長者女得度因緣經卷下

宋西天三藏胡景太子試光祿卿傳法大師施護奉 詔譯

復次尊者聞二百億化種種色華果樹林細密滿空而此尊者林中現身起是神通從空而來三繞彼城次從空下入長者舍爾時長者見是相已問善無毒女言今此所來有種種色華果樹林林中現身起如是相入此舍者是汝師耶女即答言此非我師是佛弟子名聞二百億此人生已足不履地去地四指足下有金色毛表其異相若足履地時地即

六種震動佛曾謂諸苾芻言汝等當知此聞二百億童子於九十一劫中皆同此名隨所生處足不履地此人由起重法精進心故福報無盡佛說此人精進第一是此尊者次第而來復次尊者畢陵伽婆蹉化大鵝車現是神通從空而來三繞彼城次從空下入長者舍爾時長者見是相已問善無毒女言今此所來乘大鵝車現如是相入此舍者是汝師耶女即答言此非我師是佛弟子名畢陵伽婆蹉常修悲行佛說此人悲行第一是此尊

者次第而來復次尊者烏陀夷化大馬車四寶莊嚴現是神通從空而來三繞彼城次從空下入長者舍爾時長者見是相已問善無毒女言今此所來乘大馬車四寶莊嚴現如是相入此舍者是汝師耶女即答言此非我師是佛弟子名烏陀夷此人是釋種眷屬釋種之中有淨飯王白飯王斛飯王甘露飯王并耶輸陀羅娛閉迦沒哩誠惹等六萬宮嬪殊女眷屬是諸眷屬廣大熾盛富樂自在人棄捨出家修道而獲果證佛說此人於釋

種中端嚴第一是此尊者次第而來復次尊者摩訶劫賓那化室尾迦四寶莊嚴而此尊者乘彼室尾迦現是神通從空而來三繞彼城次從空下入長者舍爾時長者見是相已問善無毒女言今此所來乘室尾迦四寶莊嚴現如是相入此舍者是汝師耶女即答言此非我師是佛弟子名摩訶劫賓那此人棄捨家族出家修道而獲果證常出軟語衆所愛樂佛說此人軟語第一是此尊者次第而來復次尊者難陀化大園林華果茂盛復有

鵝鴈鸚鵡孔雀舍利囉俱枳羅命等種種  
異鳥遊集其內而此尊者在彼園中現如是  
相從空而來三繞彼城次從空下入長者舍  
爾時長者見是相已問善無毒女言今此所  
來處大園林華果茂盛因鳥遊集現如是相  
護諸根第一是此尊者次第而來復次尊者

羅睺羅化作轉輪王福德威容勝妙殊特眷  
屬侍衛七寶具足有八十四俱胝勇健步兵  
薄九等八萬四千最上象兵驛羅賀迦  
烏布沙陀等八萬四千調善馬兵難你瞿沙等八萬四  
千妙寶車兵復有無數百千侍衛人衆周而  
圍繞動百千種微妙音樂寶嚴幢幡前後導

入此舍者是汝師耶女即答言此非我師是  
佛弟子名曰難陀淨飯王之子是佛親弟比  
佛身量而短四指三十二相莊嚴具足此人  
往昔以清淨心曾於迦葉如來應供正等正  
覺塔中施一傘蓋衆寶莊嚴最上殊妙以是

從大白傘蓋覆輪王頂現是神通從空而來  
三繞彼城未入其舍住虛空中爾時長者見  
是相已問善無毒女言今此所來轉輪聖王  
福德威容勝妙殊特象馬車步四兵具足現  
此勝相住空中者是汝師耶女即答言此非  
我師是佛弟子名羅睺羅此人是佛之子出  
家學戒而獲果證佛說此人學戒第一是此  
尊者現輪王身次第而來爾時羅睺羅即以  
所現轉輪王身住彼空中說伽陀曰  
今我所現輪王身以神通力故如是

如龍有力我亦然 七寶四兵皆具足  
此所現身而非實 神通方便故隨宜  
長者應當如實知 我是佛子羅睺羅  
已獲果證神通具 人天供養悉歸依  
我依佛勅故今來 牟尼大師後當至  
說是伽陀已即從空下入長者舍如是等諸  
有神通大苾芻衆咸依佛勅各現神通次第  
來入長者舍中俟佛當至爾時世尊知時已  
至即入三摩地普偏觀察於是三摩地出已  
舉身出現青黃赤白種種妙色清淨光明如

是色光廣大照耀徧舍衛國乃至福增城中  
所有一切人衆蒙光照者以佛神力皆見佛  
身內外映徹一切無礙佛放光時大地震動  
於是世尊著僧伽黎衣與彼一切所應隨佛  
第九  
崑努鉢陀那等苾芻大衆前後圍繞出舍衛  
國往詣福增城時娑婆界主大梵天王知是  
二十  
事已即與色界諸天子衆來佛右邊侍衛而  
行帝釋天主知是事已即與欲界諸天子衆  
來佛左邊侍衛而行復有善愛音等五百乾  
闍婆王奏百千種微妙音樂引導佛前又有

無數百千天龍鬼神人非人等隨從佛後又  
有無數天女在虛空中各持優鉢羅華鉢訥  
摩華俱母那華奔擎利迦華天曼陀羅華摩  
訥曼陀羅華等及雨栴檀香末香你誠噏香  
多誠噏香多摩羅香等種種妙香供養於佛  
又復奏彼天妙音樂有如是等天人大衆圍  
繞而行爾時路次大曠野中有七千仙人先  
止於彼見佛世尊三十二相八十種好皆悉  
具足圓光照耀如千日輪廣大巍巍如寶山  
現吉祥勝相無有等比復有微妙金色光明

周徧熾盛如是見已俱近佛前頭面禮足合掌恭敬退住一面此諸仙人皆以宿種善根力故而能最先見佛世尊爾時世尊普徧觀察如是七千仙人善根成熟即於曠野中乃爲如應略說四諦法門時諸仙人聞是法已<sup>薄九</sup>智慧堅固心開意解各各歡喜即時踊身虛空高二十山峯俱證須陀洹果從空下已圍繞當佛入城門時以神通力自然除去荆棘砂礫一切不淨悉令清淨內外香潔地平如掌無高下相佛所行處彼諸門有低小者自然高大有迮狹處自然寬廣城中所有一切象馬等類其性懶悞不調伏者自然調伏增城有十八門我今若從西門而入餘門所

有一切人衆不能見我我今宜應於彼諸門各現佛身隨諸門入令一切人皆見佛身我即實從西門而入爾時世尊作是念已即現其身隨諸門入一一皆有天人大衆周匝圍繞當佛入城門時以神通力自然除去荆棘砂礫一切不淨悉令清淨內外香潔地平如掌無高下相佛所行處彼諸門有低小者自然高大有迮狹處自然寬廣城中所有一切象馬等類其性懶悞不調伏者自然調伏又復城中一切人民各各歡喜瞻仰世尊又

復以佛神通力故其中所有盲者能視聾者能聞痳者能言乃至諸根不完具者悉得完具迷惑醉亂顛狂心者皆得醒悟正定不亂爲毒所中者悉離諸毒互起恚恨者慈心相向諸懷妊者胎藏安隱生福德子諸貧賤者自然財寶悉得豐足佛入城時有如是等希有之事一切人民皆獲利益佛乃實從西門而入爾時世尊既入城已攝諸化身唯一實身至謨尸羅長者舍時善無毒女即謂長者言此所來者是我大師號釋迦牟尼如來應

供正等正覺是時長者并諸眷屬見佛如是神通威德種種相好心生敬信即各頭面禮佛雙足時善無毒女見佛世尊踊躍歡喜頭面禮足合掌向佛說伽陀曰

我佛常說最上語 而能調伏他語言

聞者能生清淨心第十九

我不見佛深苦惱

佛悲愍故來此中十三

我等今日得大利

我以清淨至誠心

頂禮如來吉祥足

時善無毒女說伽陀已即取牛頭栴檀香水奉佛洗足佛洗足已處于最上莊嚴寶座諸

苾芻衆亦各洗足次第而坐爾時善無毒女即持清淨上味飲食自手奉上供佛世尊及苾芻衆長者并眷屬亦各持食奉上於佛及苾芻衆知是次第行食已偏佛及苾芻隨應而食是時福增城中一切婆羅門長者居士外道尼乾陀等無數百千人衆悉詣長者舍欲觀世尊彼等意謂長者住舍而甚追近不能容受爾許人衆咸起礙想爾時世尊知其意已即變長者舍作水精舍內外瑩徹廣博嚴淨令諸人衆各得觀佛無所妨礙是諸人

衆各見佛已心大歡喜異口同音說伽陀曰今此長者舍而水精所成摩尼及真金諸寶皆映現清淨復廣博如天帝釋宮各得見世尊斯爲甚希有我等一切衆瞻仰住佛前咸生清淨心恭敬合掌禮牟尼處衆會薄九如星中現月功德所莊嚴是故我歸命

爾時世尊飯食已訖諸苾芻衆亦各食訖於是世尊不起于座與無數百千天龍夜叉乾闥婆阿脩羅迦樓羅緊那羅摩曇羅伽人非

人等并餘婆羅門長者居士外道尼乾陀乃至善無毒女及謨尸羅長者妻子眷屬如是等衆周市圍繞聽佛說法爾時世尊普為大眾如應演說苦集滅道四諦法門佛說是法門時諸外道中有善根成熟者聞法歡喜生淨信心歸依世尊隨其所應而獲利益又復衆中有得住煖位者有得住頂位者有得住忍位者有得住須陀洹果者有得住斯陀含果者有得住阿那含果者有得住阿羅漢果者謨尸羅長者聞佛說法發清淨心如其所應亦得利

益善無毒女以宿善根力及聞說法得須陀洹果爾時諸苾芻俱白佛言世尊善哉希有此善無毒女真是善知識因此女故多人獲益而能如是施作佛事佛言諸苾芻汝等當知此善無毒女非唯今日於我法中為善知識能作佛事此人已於過去佛法中為善知識開導他人施作佛事汝等善聽我今略說時諸苾芻受教而聽佛言諸苾芻過去世中人壽二萬歲時有佛出世名曰迦葉如來應供正等正覺明行足善逝世間解無上士調

御丈夫天人師佛世尊彼佛一時在波羅柰國仙人墮處鹿野園中與苾芻衆俱彼國有王名爲哀愍其王具大福德正法治世王有一女生已自然頂有金鬟乃爲彼女立名金鬟王所愛念即勑后妃宮嬪眷屬養育侍衛華九後至成長彼女以其宿善根力於佛法中深生愛樂聞佛在彼鹿野園中即與五百宮嬪眷屬圍繞往詣鹿野園中瞻禮世尊到已至誠頭面禮足佛即如應爲說法要彼聞法已心生淨信而白佛言我自今日乃至盡壽常

以飲食衣服卧具醫藥奉上世尊作是而已即如其言常以四事供給世尊時彼哀愍王忽於一夜得十種夢一者夢見有一大象從牕牖出身雖得出尾爲牕礙二者夢見有一渴人井隨其後是人寧忍於渴終不取飲三者夢見有人以其真珠賀易於妙四者夢見有人以其栴檀香木貿易常木五者夢見有一大園華果茂盛忽爲猛風吹落散壞六者夢見有諸小象驅大香象奔走而出七者夢見有一獮猴身有糞穢四向馳走汙諸獮猴

衆皆迴避八者夢見有一獮猴於一處坐有衆獮猴爲作灌頂九者夢見一張白疊有十八人各各執奪少分而疊不破十者夢見有多人衆聚集一處互相鬭諍論競是非此等是爲所得十夢王睡覺已作是思惟我得此夢是不吉祥豈非於我壞壽命耶作是念已至明日時即集群臣共議斯夢是時諸臣皆悉不解復有諸婆羅門長者居士亦在佛會爾時彼佛即爲哀愍王及諸會衆如應說法示教利喜已佛即默然彼哀愍王從座而起

卷九

五

住立佛前具以十夢次第而說說已復言我以此緣恐於壽命有所損失願佛悲愍爲我開決佛言大王勿怖勿怖如所得夢皆非汝事亦非今時善惡之相於汝壽命亦無損失大王當知是未來世中人壽百歲時有佛出世名釋迦牟尼十號具足彼佛住世演說諸法教化衆生如其所應作佛事已而入涅槃入涅槃後於遺法中苾芻弟子諸所作事王今此夢是彼前相我今爲王次第而說如王所夢有一大象從牕牖出身雖得出尾爲牕

礙者是彼佛入涅槃後於遺法中有婆羅門長者居士若男若女棄捨眷屬出家學道雖出家已心猶貪著名利俗事不能解脫如王所夢有一渴人井隨其後是人寧忍於渴終不取飲者是彼遺法中有諸苾芻爲婆羅門長者居士說佛經典彼婆羅門等心生厭捨不樂聽受如王所夢有人以其真珠貿易於苾芻者是彼遺法中有諸苾芻弟子不能依佛正典修習根力覺道禪定出世間法而復愛樂修習世間經書呪術歌詠言頌如王所夢

有人以其栴檀香木貿易常木者是彼遺法中有諸苾芻以佛經典貿易世間經書外道出者是彼遺法中有諸小象驅大香象奔走而持戒有德苾芻衆共嫌惡巧設方便擯令遠去如王所夢有一大園華果茂盛忽爲猛風吹落散壞者是彼遺法中有諸清淨持戒具德多聞苾芻安止僧伽藍摩爲彼所有不修身不修心不修慧羸羸惡苾芻衆共毀壞彼僧伽藍摩如是壞已復令清淨苾芻最勝事業

亦悉破壞如王所夢有一獮猴身有糞穢四向馳走汙諸獮猴衆皆迴避者是彼遺法中  
有諸破戒苾芻自破淨戒不具慚愧而復返  
於清淨信心王臣之前毀謗持戒有德苾芻  
如王所夢有一獮猴於一處坐有衆獮猴爲  
作灌頂者是彼遺法中不修勝行無德苾芻  
衆共成立爲僧中上首統攝有德修勝行者  
如王所夢一張白氈有十八人各執奪少  
分而氈不破者是彼遺法中有諸弟子異見  
興執以佛教法分十八部雖復如是而佛教

法亦不破壞如王所夢有多人衆聚集一處  
互相鬪諍論競是非者是彼遺法中有諸苾  
芻聚集議論世間名聞利養等事由此因緣  
互相鬪諍不能寂靜漸使世尊清淨法滅大  
王如是十夢皆非汝事是彼之相汝不應怖  
壽命無失宜自安意爾時哀愍王聞佛爲說  
薄九  
所夢事已心大歡喜禮彼佛足還復王宮諸  
苾芻彼迦葉如來爲哀愍王說所夢已復爲  
衆會說四諦法時彼會中八萬四千人皆  
悉見諦而獲利益諸苾芻於汝意云何彼金

鬘女於彼佛法中爲哀愍王作善知識建立  
佛事者豈異人乎即今善無毒女是諸苾芻  
是故當知此善無毒女已於過去佛法中爲  
善知識今於我法中亦與多人爲善知識使  
今多人皆獲利益爾時諸苾芻復白佛言世  
尊彼迦葉佛時金鬘女者以何因緣生已自  
然頂有金鬘又復何緣得生王家受大富樂  
佛言諸苾芻彼金鬘女過去世時於波羅奈  
國爲一貧女周行求乞諸莊嚴具及以塗香  
於一緣覺塔中莊嚴塗飾起清淨心發是願

言願我以此善根世世所生頂有金鬘生大  
富家富貴自在施作佛事諸苾芻彼時貧女  
者即彼迦葉佛法中金鬘女是以其善根及  
大願力於五百年中在在處處生已自然頂  
有金鬘諸苾芻是故今時此善無毒女以其  
過去善根及大願力今得生此給孤獨長者  
大富之家而善開導施作佛事是故當知決  
定善業決定善報於一切時一切處無能散  
失彼彼業因彼果報如外地界彼堅實性  
而非水火風界流潤等性如是蘊處界等彼

彼差別所有一切衆生作善惡業亦復如是  
彼業因差別有異彼此果報所得非一假  
使經於百劫之中而因果法決定無失佛言  
諸苾芻是故善男子善女人應當於佛法僧  
深生淨信尊重恭敬於此經典<sup>第十九</sup>諦信受持宣  
通流布如理修行汝等諸苾芻亦如是修學  
爾時世尊爲諸苾芻說善無毒女往昔因緣  
已如先已爲善無毒女及謨尸羅長者眷屬  
乃至福增城中婆羅門長者居士等并餘一  
切天人大衆隨其所應宣說正法各獲利益

于時世尊及苾芻衆即於會中隱身不現至  
舍衛國祇樹給孤獨園還復現身佛說此經  
已善無毒女等長者諸眷屬諸苾芻等一切  
大衆聞佛所說皆大歡喜信受奉行  
佛說給孤長者女得度因緣經卷下

永樂北藏

給孤獨女得度因緣經

第六九冊